

OBUFA YE ODU-UWEM USUŃ

Mme Hebrew 10:1-39.

ỌYỌHỌ UKPEP-ŃKPO 441

Eke Ikpọ Owo

IKỌ IBUOT: “Jehovah ete, Emi edi ediomide eke ndidiomide ye mmọ ke mme usen oro ema ebe; Nyesin mbet Mi ke esit mmọ, Nyenyuñ ñwet mbet Mi ke ọwọñ-esit mmọ; Enye edidọhọ ndien ete, Ndinyuñ ntihi aba mme idiok-ńkpọ mmọ ye mme ukwañ-ido mmọ” (Mme Hebrew 10:16, 17).

Mbukpọñ

“Sia ibet enyenede ukpọñ-ukpọñ mbiet nti ńkpọ eke edidide, ...” (Mme Hebrew 10:1).

Idọhọke ite Ibet ekedi mbukpọñ, edi ọdọhọ ete ekenyene mbukpọñ. Nso ikedi mbukpọñ? Mme ido erikpono Abasi oro Enye okonimde man oto do mmọ esaña ekpere Enye. Mbukpọñ edi ata usuhọre ńkpọ emi nnyin ikemede ndikere mbaña ke uwem emi. Ke edu utiñ ikọ, esiwak ndifiok ete ke mbukpọñ edi ńkpọ emi owo mikemeke ndinam emi misọñọke-sọñọ ida, emi onyuñ ebede efep. Oro edi ata ukem-ukem ye se andiwet enyenede ke ekikere ke ini enye ọkodọhọde ete ke Ibet ekenyene ukpọñ-ukpọñ mbiet nti ńkpọ eke edidide minyuñ inyeneyeke ńkpọ oro.

Ata akamba ukpọhọre odu ke ufọt idem ye mbukpọñ. Ibet ekedi mbukpọñ edi Jesus Christ ekedi ata Idem ńkpọ. Enye ekedi ata mbiet Idem Abasi. Idighe Ibet ikpọñ ekenyene mme mbukpọñ, mme oku ñko ekedi mme mbukpọñ nte okonyuñ edide.

“Emi enamde utom ukpọñ-ukpọñ ńkpọ eke edide mbiet ye mfut ńkpọ heaven; kpa nte Abasi ọkọhọde Moses uyo, ke adañemi enye ọmọñ edibọp Ataya: ...” (Mme Hebrew 8:5).

Ntre ñko mme oku ke idem mmọ ekenam ńkpọ ukpọñ-ukpọñ. Ekewiwa uwa ke ini ke ini koro mmọ ekedide ńkpọ emi enyenede ndibe mfep.

“Edieke ekpekemede, idighe ekpetre ndiwa uwa adañemi, koro mmọ emi etuakde ibuot enọ Abasi ikpenyeneke aba ifiok-idiok-ńkpọ ke esit mmọ, sia ema ekenam mmọ esana?” (Mme Hebrew 10:2).

Iduhe usuñ emi owo onimde emi ekemede ndida nyet esit asana. Abasi oyom owo enyene esit eke minyeneke se eduode Enye ye owo. Edinam owo baba kiet ikemeke ndimen ubiomikpe ke esit owo mfep.

“Edi eda mme uwa oro enam owo eti mme idiok-ńkpọ ke isua ke isua.

“Koro iyip enañ ye ebọt ikemeke-keme ndimen mme idiok-ńkpọ mfep” (Mme Hebrew 10:3, 4).

Iyip mme enañ ye ebọt idikemeke ndimen idiok-ńkpọ mfep.

Ikedighe ekikere nte ke ukpono Abasi ke Ataya, okposuk edi nte enye okokponde, ekpedi ata akpan ńkpọ ke edu ukpono Abasi mmọ, Abasi okoyom enye ada ọnọ mme akpanikọ Abasi emi ekedude ke idak mmọ, ye akpanikọ Abasi emi mmọ ekenyande ubọk ewut.

Ńkukut Me Unana Ńkukut

Abraham ama ada okut se oro ediwọrọde mbemiso edinọnọ Ibet. Jesus ọkọdọhọ, “Abraham akadat esit ndikut eyo Mi.” Oro ọwọrọ nso? Abraham ama adat esit abaña ini emana mfọn emi ema ekanam enye ọfiok nte editiede. Kpukpru ńkpọsọñ ikọt Abasi ema ekut. Moses, nte enye okosobode ye Abasi ke Obot, ke ini ekenọde enye Ibet, ama okut ebe kpukpru oro, okut se oro ediwọrọde ọnọ Israel, edinen ido ke uwem mmọ, edisana uwem ye edisaña nte ọfọnde ke iso Abasi ke esiode emi efep kpukpru ekewọrọ ikpikpu.

Edi oro ekedi akpan ńkpọ emi Nditọ Israel ekeduede: mmọ ekeda mbukpọñ enam akabare edi idem. Akakan ńkpọ emi mmọ ekenamde ekedi ndisaña mbe ke ido erinam ke nsio-nsio idaha, man ido ukpono oro osuk aka iso.

Nnyin imenyene mme owo eke esuk ekade iso enam ukem nkpo oro mfin. Mbon Seventh Day Adventist ke eka iso ndinam se Nditọ Israel ekenamde; mmọ ke eda mme mbukpon nkpo edomo ndinam edi idem. Edi akpanikọ nko ye ediwak nka ukpono Abasi efen. Ufok ederi emi Edisana Spirit midaha usuñ oduo esine ke ukem mbiara emi, mmọ esin ofuri ifik mmọ ke ndinam utom man ekem ke ido ukpono Abasi mmọ. Edieke mmọ midukke mbono ke ufok Abasi, mmọ edu ke mboho nte esop, oro edi nkpri-otu mmọ, me nka mmọ, esop mbiowo mmọ esop mme deacon mmọ, mme nwed ido edinam mmọ ye nte ebiatde okuk mmọ.

Ata akpa ye akpan nkpo edi owo ndiduọ ke edon ke iso Qbon nnyun nyom Enye tutu enye obo ata ntotonu ifiok; ndien idighe ata akpan nkpo me owo oro oduk ufok Abasi nnyin me oduk ufok Abasi efen. Enye edi kiet ke otu mbon Ufok Abasi Christ, onyun otibe ntre onọ enye edieke enye edide owo Ufok Abasi Apostolic Faith me idighe.

“Jehovah odoho ete, Uwak uwa mbufo ofon mi nso?”

Mmoyuhọ edifop uwa okukim, ye ikpon edisehe unam; iyip enañ, ye eke nditọ eron, ye eke okpo ebọt inyun inemke mi esit.

“Ke ini mbufo edide ndiwut mi idem mbufo, anie oyom emi ke ubok mbufo, ete edidighi okure mi?” (Isaiah 1:11, 12).

Mme oku oro ekesisaña ededuk enyun ewoworo ke ido uteñe ye mme edisine nkpo mmọ, esaña ebe ke ido utom mmọ ke usen ke usen, eduk ke Edisana Ebiet ke ikpehe utom mmọ kiet kiet ye mme nkpo ufop incense edomo mme utuene ikañ, edori incense ke itie uwa o-gold, ekpuho uyo ke okpokoro ke urua ke urua; edi uwem mmọ eyoho ye idiok-nkpo. Mmọ ekebre abiaña ye nkari, inyun isañake ikekem ke mbet Abasi ndomokiet, ekesaña ke mbubik. Edi ke ini mmọ edide ke okure Qbon, mmọ esaña ke ata nsuhridem ye ke iso ukpono, ye anyan ewura mmọ ye mme nkpo mbana eken. Edi akpanikọ ete ke ido emi ama efek Abasi.

Mme Uwa

Ema ewa mme unam ke isua ke isua, edi ke idak Obufa Ediomi, Christ emi akawade Idem Esie ini kiet kpọt ama akabare edi uwa emi osoro ada ke nsinsi onọ ofuri ekondo. Uwa oro enyene ofuri ererimbot, iditonoke aba nta iwa.

Mi edi ebiet efen emi edinam ufok Abasi Catholic eneñerede asaña isio ye Iko Abasi. Esop Trent ekepep se ufok Abasi Catholic enimde ke akpanikọ, mmọ eneñere etiñ ete ke udia Qbon edi uwa emi enyenede oyoho odudu ke idemesie nte ekenimde. Enim ederi udia Qbon kpukpru ini ke Ufok Abasi Catholic, ke ndusuk ufok Abasi mmọ enim kpukpru usen. Oro edi ndiduk nka iso nnam ke ukem akani ido mbon Levite, ndiwa mme uwa kpukpru ini. Ndusuk mbon ufok Abasi Catholic eyedoho fi ete ke oro idighe ntre, ke unim ederi udia Qbon edi mbiet nkpo. Edieke mmọ edohode ntre, mmọ esin ikọ ukpep-nkpo mmọ emi odohode ete ke edi uwa emi enyenede odudu. Ke nkpo kiet ye eken nnyin ikut ite ke Ufok Abasi Catholic ke ekaka iso ke akani ido mme Levite ke mme oku ye mme uwa, emi ema ekebe efep.

“Edi Oku emi, ke ini Enye ama akawa uwa kiet abaña mme idiok-nkpo, osuhore etetie ke ubok nasia Abasi ke nsinsi” (Mme Hebrew 10:12).

Kpa nte edide ye mme uwa, ntre ke edi ye iyip. Kpa nte uwa Jesus adade ke kpukpru ini, ntre ke Iyip edi ana inwañ obube mmọ emi oworo ke mfon ono idiok-nkpo ye kpukpru se misanake koro akananam itreke inyun ibiañake.

Oro edi se utibe ikwo William Cowper oworo: “Emi mme anam-idiok ke eduode eduk ke idak mmọn oro eboho ke ubiom-ikpe mmọ.” Oro edi idim mmọn emi eyetde nnyin ke idak Eman Mfon emi. Ke mbiet emi, mmọ ekeka iso ndiwot mme enañ mmọ, mme ebọt mmọ, mme eron mmọ kpukpru ini ke idak Akani Ediomi. Edi okosuk owut idim mmọn oro oworo ke nsinsi. Edoho ete ke mme okpo mme unam oro edade iyip mmọ eduk ke edisana ebiet ke ekemen mmọ ekefop ke edem nna. Edi nnyin imenyene ikpok idem Christ emi ewet nwed emi etiñde abaña ke ini odohode ete:

“Mmodo ke adaña emi Enye odudke ke ererimbot, Enye odoho ete, Afo umaha uwa ye eno Afo emebeñe ikpohidem onọ Mi;

“Afo ukopke inemesit ke ofuri edifop-uwa ye uwa idiok ido” (Mme Hebrew 10:5, 6).

Nso inem ke emi ekpenyene onọ Abasi, me kiet eke ededi emi edide ata andinim ke akpanikọ ibohoke enye okut oto mmọ ikpọ ntọtunọ akpanikọ Abasi ke abaña Usio-isop ofuri ererimbot, emi ekedide se ikemedede ndida kpukpru mfon onọ uduot-owo?

“Ke ini Enye ama ekebem iso odohọ ete, Afo umaha unyuñ ukopke inemesit ke uwa ye enọ ye ofuri edifop-uwa ye uwa idiok-ido (emi ibet etemedede ete ewa), Enye edidohọ ndien ete, Sese, mmedi ndinam uduak Fo. Enye emen akpa nkpo efep, man Enye otọ udiana nkpo” (Mme Hebrew 10:8, 9).

Nnyin imekeme ndidohọ ite ke akpa oro edi Akani Ediom, oyohọ iba edi Obufa Ediom, koro qworọ ndikpori kpukpru nkani mfep nnyun mmen obufa nsin ke itie esie. Ntre ke Jesus Christ, nnyin imemen kpukpru ediom Moses, okoro ye Ataya ke Akai-ikot imen, enam ofon ama, oyohọ-oyohọ, onyun oyohọ ke nsinsi ke kpukpru emana.

Ikpehe

“Mmọdo nditọ-ete, sia nnyin inyenede uko ndibe nduk ke Edisana Ebiet ke iyip Jesus” (Mme Hebrew 10:19).

Oro okpuhore ye usun emi akwa oku ekenyenede ndibe nduk ke Ata Edisana Ebiet. Enye ekenyene ndisuk ibuot nnọ Ibet ke kpukpru nde, sia edibiat Ibet okwororo nsobo onọ uwem esie. Enye ekenyene ndiyire mme nkanika ke mme ekura esie man mmọ ekpefiok mme enye kananam utom me inamke. Edi ke emi ebe ke Jesus, emi akasiakde obufa ye odu-uwem usun ndibe nduk ke Ata Edisana Ebiet, nnyin imekeme ndidi ye uko, idighe ye ndik.

“Ke usun oro Enye okonimde onọ nnyin, kpa obufa ye odu-uwem usun emi ebede ke ukara, oro edi, obukidem Esie” (Mme Hebrew 10:20).

Obufa ye odu-uwem usun oro okpuhore ye akani obukpo usun. Mme uwa oro ekedi mbukpo uwa eke unam; edi Christ edi odu-uwem uwa. Edi akpanikọ ke Enye ama osuhore oduk ke udi, edi udi ikemumke Enye. Enye ama qwororo edi odu-uwem uwa, emi odude ke nsinsi ndinam mkpe ubok nnọ nnyin.

Ewet ke Mme Psalm ete: “Uduyakke owo ima fo okut mbiara” (Mme Psalm 16:10). Enye ama qwororo edi, ikpohidem Esie ikwe baba ekpri mbiara nte odu-uwem uwa. Oro edi nkpo oro Paul ewetde abaña ke ini Enye odohode ke Nwed Mbon Rome ibuot 12: “Eda ikpohidem mbufo enọ Abasi nte odu-uwem uwa,” okpuhore ye mme mbukpo uwa oro ekewade ke idak Akani Ediom. Inyene ndiyak idem nnyin nnọ man enam isana.

Idighe nkpo mkpaidem nte ke ediwak mbukpo ufok Abasi edu ke ererimbot emi ema ekemin odu-uwem uwa, emi ema ekemin nworo-nda akpanikọ emi edide ata akpan-nkpo emi adade owo adian ye odu-uwem Abasi.

Mme ukpep-nkpo emi ekpedi se itimde inem nnyin oto ke oyohọ odudu Ufak emi Abasi okonode ofuri ererimbot, man mmọ ekpeno nnyin itiat ukot-ufok emi ikemedede ndisono nda ke esit ke mme usen emi. Kiet ke otu mme nkpo emi Ukpep-nkpo eyo emi (Modernism) enwanade eti-eti ndibiat edi akpan-nkpo emi odude ke Ufak. Oro edi ata akpan-nkpo onọ mme anditiene-Christ. Edieke Ufak okpude, kpukpru eken enyun ekpu; koro edi enye edi nkukure unen nnyin ndisobo ye Abasi. Enye edi nkukure usun nnyin ndinim idem nnyin ke idaha, ndien ika ikenyene ifiok, ebiet emi ikemedede ndibọ mbet Esie, ibọ mme akpanikọ Esie, isono ida ke mbuotidem, enyun ewet ibet Esie ke esit nnyin man inam mmọ. Edieke isinde Ufak, miyomke, minyun ibatke ke nkpo, nnyin inyeneke baba usun efen.

“Enyun eyak nnyin isono imum ikọ eke idade iyarare idori-enyin ikama, mbak edibohọ nnyin oyok; koro Enye emi onode nnyin unwoho edi Abasi akpanikọ: eyak nnyin inyun ikere nte ikpedemerede kiet eken ino ima ye nti utom; ikyunun isin nsisop idem otọ kiet, nte edu ndusuk owo edide, edi ino kiet eken item; ndien mbufo ekpedidion enam ntem; adaña nte ekutde ete usen

oro ke asaña ekpere. Koro edieke nnyin iduede ke nkoi-nnam, ke ini nnyin ima ikòbò ifiòk akpanikò, uwa iduhe aba inò idiòk-ñkpò” (Mme Hebrew 10:23-26).

Ediwak emi enyenede esit eyighe, nte Thomas, edomo ndikere nte ke mmimò idu ke utò ikpehe oro mme ufañ ñwed emi ewutde. Edi eti ñkpò ndien, nditim neñere nnyene iwuk ke esit nnyin, enye emi Paul ekerede abaña ke ini enye ewetde ke abaña ñkpò emi.

Ke kpukpru se nnyin idiòñòde ibaña mme itie Ikò Abasi efen, òkòrò ye se idiòñòde ibaña idaha mme andinim ke akpanikò, nnyin inyene ndinyime nte ke Paul mi etiñ abaña oruk idiòk-ñkpò kiet, idighe kpukpru oruk idiòk-ñkpò, edi utò idiòk-ñkpò emi, ebiet Ikò, Abasi emi ikpòñ ekemedede ndifuk.

Nnyin imekut ke ini uwa Akani Ediomu nte uwa usio isop idiòk-ñkpò emi anam-idiòk akadade edi ekekerede ndifuk kpukpru oruk idiòk-ñkpò, uwa oro ama añwam ke idiòk-ñkpò esie ndusuk enye ama osu-nsu, otuk owo, me oyip ñkpò owo. Ekpere ndidi ke eriwa uwa emi ama ofuk kpukpru oruk idiòk-ñkpò.

Ediwak owo ekere ete ke emi ema ekedòhò nnyin ete edieke ikoide-koi inam idiòk-ñkpò ke adaña emi ima ikòbò ifiòk akpanikò, usuñ iduhe aba ndifiak ntiene Òbòñ. Ediwak owo ewet ufòk utom nnyin ediwak ini eyom ndifiòk mme owo ekeme ndifiak ñkabare esit edieke enye ama òkòduò ke adaña emi enye ama òkòbò mme mfòn Abasi esie, akpan-akpan uduòk-mmòñ Edisana Spirit. Ekeme ndidi ntre. Nnyin idiòñò emi ito ifiòk emi owo ke idem esie enyenede òkòrò ye Ikò Abasi. Ke ntre emi ofuk ñkpò eke mitòhò ke nkoi nam idiòk-ñkpò.

Ke ini Paul òdòhòde ete, “Edieke owo ekeledi okoide-okoi anam idiòk-ñkpò,” enye etiñ emi abaña ndikokoi nyire ke erinam utò oruk idiòk-ñkpò emi enye etiñde mi abaña. Oto ke se enye akafiakde etiñ nnyin ke emi imòfiòk ite ke se Paul etiñde abaña edi idiòk-ñkpò edikañ mbuòtidem, ndifiak edem ñkpòñ mbuòtidem, ndisin ofuri uduak ufak emi Abasi okonimde òhò uduot owo. Ye oruk owo oro, uwa efen isuhòke aba inò idiòk-ñkpò. Enye emesin se enye akpadade osobo ye Abasi oto ke emi enye akañde mbuòtidem. Ke ndikañ mbuòtidem enye amakañ odudu Ufak.

Enye aka iso ndidomo oruk idiòk-ñkpò oro ye ufen emi akanade osim owo eke esinde mbet Moses. Oro ekedi mbiet idiòk-ñkpò emi.

“Edi idori-enyin ikpe eke enyenede ndik, ye ikañ-ikañ iyaresit eke edifòbòde mmò emi eñwanade ye Abasi. Owo eke midaha mbet Moses ikòm ñkpò akakpa ke uyo ntiense iba mme ita, ituaha enye mbòm; mbufo ese ndien ete edibiene ufen òsòñ adaña didie akan enò owo, eke edigide Eyen Abasi ke ikpat, onyuñ abatde iyip ediomu, emi edade enam enye asana, ke ñkpò ndek, onyuñ esuenede Spirit mfòn?” (Mme Hebrew 10:27-29).

Oro anam añaña utò idiòk-ñkpò emi Paul etiñde mi abaña: ndise mfòn emi Abasi òhòde ebe ke edisana Iyip ke ñkpò ndek. Ndinam ntem enye emesuene Spirit mfòn. oro edi idiòk-ñkpò emi Jesus eketiñde ke ini Enye òkòdòhòde ete, “Ndien kpukpru owo eke editiñde ikò adian Eyen Owo, eyefen enye: edi owo eke editiñde ikò-isuñi adian Edisana Spirit, idifenke enye” (Luke 12:10). Emi edi kpa idiòk-ñkpò oro Owo-mbet emi etiñde abaña, idiòk-ñkpò emi edidahado nnò miduhe.

Ke Akani Ediomu nnyin imenyene itie ke Ikò Abasi emi ekemde ye emi; odu ke Numbers ibuat 15. Etiñ enò nnyin ebaña uwa usio-isop idiòk-ñkpò ye mme nsio-nsio uwa efen emi anade eda ke ntak idiòk-ñkpò emi ekenamde, oro edi kpa ye mme idiòk-ñkpò unana ndifiòk. Ke ini owo ama ekedinyene ifiòk abaña nte ke imò ima inam idiòk-ñkpò, okposuk edi enye mikenyleneke ifiòk ibaña, enye ekenyene ndida uwa usio-isop idiòk-ñkpò esie ndi.

“Edi ama edi owo eke okoide-koi anam ñkpò ke ibak, edide amana ke isoñ, onyuñ edide esen owo, enye esuene Jehovah, ndien yak esibe owo oro ke mbio-obio mmò efep. Koro enye ekesinde

ikọ Jehovah ke ndek, onyūn abiatde ewuhọ esie, yak mmọ ekutre ndisibe owo oro mfep; idiọk ido esie eyebiomo enye” (Numbers 15:30, 31).

Ke ikọ efen, uwa iduhe aba inọ enye. Esibe enye efep ke Israel. Ikọ oro “n̄koi nnam” ọwọrọ: owo ndiberi idem ke ukeme idem esie. Abańa owo emi adade itie eke midighe esie, omum itie oro akama ye n̄kohoridem edi inyeneke ọyọhọ ntak. Ke ekikere mi oro edi ata eti uwut n̄kpọ owo emi esinde Eti-Mbuk. Afo eyekut mmọ enamde oruk ido oro usọp-usọp; akpan-akpan mmọ oro ema ekewọńọre etiene abiańa ye se ikwańade. Ekeme ndikabare n̄koi nnam idiọk-n̄kpọ ntem: unana edibat mbet Abasi ke n̄kpọ ye edikoikoi mbiat mmọ nto ke unana edinọ uduak erifak Esie ukpono, ndikpuhọ nsu nsin ke akpanikọ. Ke utọ oro, uwa iduhe aba inọ idiọk-n̄kpọ.

Oro ekedi ata ukem idiọk-n̄kpọ emi David ọkọbọńde akam abiańa ke ini enye ọkọdọhọde ete, “Mum owo fo kama, mbak n̄koi-nnam; kuyak mmọ ekan mi: ndien nyefon mma, nnyūn nsana mbọhọ ikpọ mme idiọk ido” (Psalm 19:13).

Idiọk-ido oro eberide usuń abaha fi ndibọ usio isop Jesus Christ emi edi ata idiọk-ido emi okponde akan kpukpru mme idiọk-ido eken. Nnyin imokut, ndien, nte ke odu ubahare ke ufọt ikpikpu mfiak edem ye idiọk-n̄kpọ emi Paul etińde abiańa, emi n̄ko enyūn etińde ebańa ke mme ebiet efen ke Ikọ Abasi. Emi edi idiọk-n̄kpọ emi minyeneke eridahado nnọ emi Jesus eketińde abiańa. Enye edi idiọk-n̄kpọ mkpa oro John eketińde abiańa. Enye edi n̄koi-nnam idiọk-n̄kpọ eke Akani Ediom. Oro edi idiọk-n̄kpọ emi uwa miduhe aba inọ.

Idiọk-n̄kpọ ekededi emi esinde uduak Abasi ke ndek, emi ọwọńọrede ọkpọń enye, inyūn inyeneke mbuotidem ke enye, odu ke otu oro. Afo eyekut ete Paul eneńere etiń abiańa mme mmọ oro ema ekekut uńwana, mmọ oro ema eketabi eti Ikọ, mmọ emi ekedighide Eyen Abasi ke ikpat, “onyūn abatde iyip ediom, emi edade enam enye asana, ke n̄kpọ ndek.” Ke ikọ efen, enyene mmọ emi ema ekebọ mfon erinyańa Esie ekem mmọ esin mfon oro.

Mokop nte mme idiọk-owo edọhọde ete ke mmimọ inyeneke mbuotidem ke Eti-Mbuk me ke uduak erifak, mme idiọk-owo emi akananam minyeneke ifiok ibańa kiet ke otu mfon Abasi. Edi ke adańemi owo ama ekenyene ifiok erinyańa ekem enye akabare etiń ntre, owo oro ekpere mkpa, edieke enye mikakpaha kańa.

Odu se enimde nte adańa ke ufọt mfiak-edem ye ediwońọre mkpọń mbuotidem. Oro iwutke ite ke ifet odu ọnọ mfiak-edem, koro Abasi imaha mfiak-edem. Edi idighe ediwońọre edem mkpọń mbuotidem. Owo-mbet ọnọ Mme Hebrew item ke abiańa ndiyok nnyūn nyire ke mfiak-edem. Edieke mmọ enamde emi, mmọ edu ke idiọk idaha emi adade mmọ esim eriwońọre n̄kpọń mbuotidem emi otode ediyire ke uwak mfiak-edem.

Unana erikan kpukpru ini ekeme ndida owo nsim ke idaha emi enye afiakde edem ọkpọń mbuotidem. Mme Anditiene-Christ ke Hebrew emi ema esin ndisobo idem mmọ ọtọ kiet. Mmọ ikenamke emi ke ndudue me koro ekefekde mmọ, me ke unana edikop inem, edi koro ndusuk mmọ ema eduok mbuotidem ke odudu emi odude ke Abasi ndinyańa.

“Koro nnyin imọfiok Enye emi ọdọhọde ete, Usiene edi okim, nyesio usiene; onyūn ọdọhọde n̄ko ete, Jehovah eyekpe ikpe ikọt Esie. Edi ata n̄kpọ ndik ndiduọ nsine ke ubọk Abasi emi odude uwem” (Mme Hebrew 10:30, 31)

Oro ọwọrọ Abasi ubierikpe. Owo enyene ndimek kiet ke otu n̄kpọ iba: edide ubierikpe Abasi me mbom Abasi.

“Edi eti mme usen ini oko, ini oro enyin ekatarade mbufo, mbufo ekenyūn ebiomde ọkpọsọń ndusihere ndutuhọ” (Mme Hebrew 10:32).

Ana iñwañ-iñwañ nte ke nditọ Hebrew emi ekedide mme anditiene-Christ ema esaña ebe ke ediwak ñkpọ. Nnyin imenyene ñkpọ ndiwut nte ndusuk ufọk Abasi Judea ema enyene ọkpọsọñ ukọbọ ekan mme ufọk Abasi efen. Ebe ke mme ukọbọ oro ekessimde mmọ ke ubọk kiet, ye etabi ñka mmọ emi ekponode Abasi ke ido Ibet Moses (Judaism) ke ubọk eken, ndik ama odu ndiduọñọ ñkpọñ mbuọtidem ofuri-ofuri.

“Mmọdo ekuyak uko mbufo eduok, koro enye asañade ye akwa utip” (Mme Hebrew 10:35).

Emi ọtuñọ akan ndiyak eyighe akan enye. Eyihe eyedi etiene owo ekededi emi edide ata andinim ke akpanikọ, ndien enye ke ediwak ini eyenyene mme ekọñ ke abaña idaha esie nte owo Abasi. Ami monim nte ke kpukpru nnyin kiet-kiet imenyene mbufiok nte ikenyenede ntuaaha ke kpukpru usuñ oto asua emi kpukpru ini añwanade ekọñ ye nnyin. Ke utọ ekọñ oro ebete, enye ọtuñọ ndisin eyihe ye mbume ke abaña idaha owo Abasi nnyin. Edi se Paul etiñde abaña ebe oro: “ndiyak uko” ndisim idaha ndinana mbuọtidem ke uduak erinyana Abasi.

Ime

“Koro ana nte mbufo enyene ime man ebọ se Abasi ọkọñwọñode, ke ema ekenam se Enye amade” (Mme Hebrew 10:36).

Ndusuk ini nnyin iduak ndisaña ke uduak Abasi, ndien inyuñ ise nte isañade inyuñ ikut ite imenen ke kpukpru usuñ, edi enyene ñkpọ eke nnyin ikekpede Ọbọñ ubọk inyuñ ibọñ akam iyom edi ikwe. Nnyin imọfiok ite ke nnyin imanam se Ọbọñ amade; nte ifiokde ite baba ñkpọ ubiọñọ idaha ke usuñ. Nso idi ntak emi Ọbọñ miboroke? Mi ke nnyin inyene iborọ.

Ndusuk Ọbọñ eyeyak esisit ini ebe ndise mme nnyin iyesuk ibet ke mbuọtidem mbemiso Enye anam ñkañ Esie. Enye enyene unen ndinam oro.

“Koro osuk ata ekpri esisit, Ndien Enye emi edide eyedi, idinyuñ ibigike” (Mme Hebrew 10:37).

Se nte Enye okodomode ndida ekpri ndọñesit nnọ nditọ Hebrew emi: ọnọ mmọ ntọt ke ubọk kiet onyuñ ada ndọñesit ọnọ mmọ ke ubọk eken, man mmọ ekpenyene edidemere ke ufiop-ufiop mbuọtidem ye idori-enyin emi okodude ke esit mmọ ke eritọñọ.

Nnyin idu ke mme usen emi anade iyom ikañ oro اساسak ke itie uwa esit nnyin; ke ini nnyin iyomde ufiop ke spirit. Edieke nnyin ikutde idem nnyin nte ikoride ye unana inem me unana ndikere ñkpọ mbaña utom Christ, ini edi ndiyom Ọbọñ, nnyuñ ndemere mme akaña nnyin nnyuñ ñkut nte ke ikañ oro ke aka iso asak.